



Urdd Gobaith Cymru Disgrifiad Swydd

Teitl y swydd:	Swyddog Prosiect Chwaraeon (Cynorthwyol) – Ardal Caerffili
Yn atebol i'r:	Swyddog Datblygu Chwaraeon
Cyflog:	Ar raddfa 3 Strwythur Cyflog yr Urdd (£14,501) hyd (£16,321). Penodir ar bwynt 1 oni bai fod profiad / cymwysterau arbennig yn denu un pwynt ychwanegol. Mae'r swydd yn un tymor penodol hyd 31 Fawrth 2016 ac yn cael ei ariannu gyda chymorth Chwaraeon Cymru. Gall y swydd ddod i ben os oes newid yn y sefyllfa gyllidol.
Oriau gwaith:	35 awr yr wythnos. Oherwydd natur y swydd mae'n ofynnol i'r Swyddog weithio oriau oddi allan i oriau safonol swyddfa yn achlysurol. Disgwylir i'r ymgeisydd llwyddiannus fod yn hyblyg yn y cyswllt hwn.
Lleoliad:	Sir Caerffili – swyddfa'r Fenter neu Cyngor Sir
Gwyliau blynyddol:	Caniateir 25 niwrnod o wyliau blynyddol ac 8 niwrnod o wyliau cyhoeddus
Cyfnod prawf:	Bydd cyfnod prawf o 6 mis.
Pensiwn:	Bydd cyfle i ymuno â phensiwn mewnol yr Urdd ar unwaith, neu mae'n bosibl byddwch yn cael eich cofrestru i gynllun 'Ymgofrestru Awtomatig'.
Teithio:	Mae teithio yn rhan annatod o'r swydd, telir lwfans o 43c y filltir. Bydd angen meddu ar drwydded yrru a char er mwyn cyflawni'r swydd hon.
Gwiriad GDG:	Bydd yn ofynnol i'r ymgeisydd llwyddiannus gael ei wirio gan y Gwasanaeth Datgelu a Gwahardd (DBS).
Archwiliad meddygol:	Cedwir yr hawl i ofyn i'r sawl a benodir fynd o dan archwiliad meddygol cyn cynnig y swydd yn ffurfiol.

Dyletswyddau

1. Nod y swydd fydd cynyddu cyfranogaeth plant a phobl ifanc mewn gweithgaredd chwaraeon cyson, drwy gyfrwng y Gymraeg.
2. Bydd angen i'r Swyddog Prosiect Chwaraeon ddatblygu sesiynau wythnosol a chlybiau y tu allan i oriau dysgu yn yr ardaloedd a nodwyd, gan gynnig cyngor i glybiau ar eu strwythur ac ariannu.
3. Rheoli a datblygu gwirfoddolwyr sydd yn gweithio yn glybiau chwaraeon yr adran, sicrhau bod gwiriad GDG cyfredol (ar y cyd a'r Swyddog Datblygu Chwaraeon).
4. Mewn rhai ardaloedd bydd angen cydweithio â chlybiau lleol sydd eisoes yn bodoli er mwyn annog plant a phobl ifanc i fynychu sesiynau wythnosol. Lle nad oes clybiau addas yn bodoli eisoes, bydd angen trefnu clybiau yn enw'r Urdd. Bydd modd hefyd cyflwyno sesiynau chwaraeon i grwpiau sydd eisoes yn cyfarfod yn enw'r Urdd.
5. Bydd angen hyfforddi gwirfoddolwyr i ymgymryd â sesiynau chwaraeon, gan gynnwys hyfforddwyd ac arweinwyr.
6. Bydd angen cydweithio gyda 'Chwaraeon y Ddraig', 5x60 a swyddogion chwaraeon yr Awdurdodau Unedol, a'r Cyrff Llywodraethol i sicrhau fod 'llwybr allan' i'r rheiny sy'n cymryd rhan. Mynychu cyfarfodydd gyda phartneriaid pan yn briodol.
7. Bydd angen i'r swyddog dargedu gweithgaredd yn arbennig mewn ardaloedd difreintiedig oddi fewn i'r ardaloedd uchod, gan ei bod hi'n un o amcanion yr Urdd i gynyddu gweithgaredd yn yr ardaloedd hynny, er mwyn sicrhau cynhwysiad cymdeithasol. Bydd angen targedu chwaraeon i ferched, ac i'r rheiny ag anghenion addysgol arbennig hefyd.
8. Bydd disgwyl i'r swyddog gyfrannu at lwyddiant gweithgareddau chwaraeon cenedlaethol hefyd, o dan arweiniad yr adran digwyddiadau
9. Bydd angen datblygu sesiynau / clybiau ar benwythnosau i fwrw targedau Chwaraeon Cymru
9. Cyd-weithio gyda swyddogion chwaraeon yr Urdd ar brosiectau yn ardaloedd gwahanol o Gymru.
10. Tiwtora ar gyrsiau hyfforddiant chwaraeon i wirfoddolwyr neu staff yr Urdd

Gofynion –

- Bydd angen meddu ar drwydded yrru a char er mwyn cyflawni'r swydd hon.
- Bydd cymhwyster yn y maes chwaraeon a hamdden yn hanfodol.
- Byddai profiad o weithio gyda phlant a phobl ifanc o fantais.
- Bydd profiad o hyfforddi o fantais.
- Bydd hi'n angenrheidiol gallu siarad ac ysgrifennu Cymraeg er mwyn cyflawni'r swydd hon.
- Dealltwriaeth o nod ac amcanion Urdd Gobaith Cymru.

Dylai unrhyw geisiadau ddangos yn glir sut mae unrhyw brofiad blaenorol, a sgiliau, yn cyfateb i'r anghenion a'r dyletswyddau a nodir yn y Disgrifiad Swydd.

Rhaid i geisiadau gyrraedd y Cyfarwyddwr Chwaraeon Cenedlaethol, Gary Lewis, gary@urdd.org erbyn 9 y.b. 26 Chwefror 2015, Cynhelir cyfweiliadau ar 4ydd Fawrth 2015.

Os hoffech sgwrs anffurfiol am y swyddi cyn ymgeisio, mae croeso i chi gysylltu a Gary Lewis, 02920 635686.